

Elèna, Gjúdici di Gaddura

Nata vel di l'annu 1190 e alzata ciòana ciòana a lu regnu di lu Gjudicatu di Gaddura a cumènciu di lu sécculu di 13, aisi chistu títtulu primma abbeddu di li piú mintuati Benedetta di Massa, Adelàsia di Torres e Lianora d'Arbarè.

La chistioni innantu a lu nommu di lu babbu, ancór'iddu Gjúdici di Gaddura, è ancóra abali pultata a mintóu.

Candu iddu murisi, la manu di Elena la dummandésini in pariccji chi vulíani puní impussissassi di chistu regnu minuréddu ma impul tanti.

Ancóra siddu chi lu
Gjudicatu di Gaddura
éra lu di mancu riccu
di li cattru regni in chi
éra spaltuta l'ísula,
puru lu papa Innucènziiu
lu di tre s'intarissési a
la suzzissioni.

A lu papa no li piacia lu cóju tra
Elena e Itzocor, fratéddu di lu
gjúdicu Cumita di Torres, pa' li
liami di parintella chi a iddu la
liàani, e éra isciutu cuntràriu a
l'appustugni di Guglielmo
Malaspina, cugnatu di Guglielmo
di Massa, gjúdicu di Càlares.



Chistu, a ultiméra,
candu murisi lu
babbu di Elena, chi
cumbinési infrà di lu
1198 e lu 1200,
imprisgiunési sia
l'eredi a lu regnu
Elena chi la mamma
Odolina e li libbarési
sólu candu Elena
cunculdési a cujuassi
cun Guglielmo
Malaspina.



Ma illu 1203,
sighendi lu
cunsiddu di
InnucènzIU III,
Biàsgiu, arciescamu
di Torres, filmési
tutt'e dui li
prittindenti.







Vinisi dunca proppostu a la pòara Elena di cujuassi cun Trasamondo di Segni, fratili di lu papa mattessi, chi in chista manéra aria pudutu valdià lu Gjudicatu di Gaddura.

Illu 1206 Elena filmési un accoldu di sposalíziu cun Trasimondo, ma candu iddu arriési in Saldigna la ciòana cumincési a invintà scusi pa' spustà lu cóju, cu' lu disappróu mannu da palti di lu papa.


Illu mattessi annu, a
ultiméra, Elena si
cujúesi cun Lamberto
Visconti, fiddólu di lu
cònsoli pisanu Eldizio e
fratéddu di lu chi
saria statu re pisanu
Ubaldo, fendi attidià
abbeddu lu papa chi,
pa' chistu fattu,
scumunichési la 'júdici
e la mamma Odolina.



Lu cóju vinisi fattu
fossi in Cívita
(Tarranóa), illa
'jésgia di Santu
Simpiggju, cumprita a
fraicà da mancu di
cent'anni.



Da chistu mumentu, tutti li 'júdici gaddurési
appaltinísini a la família pisana di li Visconti.



Elèna murisi a innanzi di
cumprí li 30 anni. No si sa
undi è stata intarrata. Si
pensa illa 'jésgia di Nostra
Signóra di Locusantu, chi no è
allonga abbeddu da altu
'mpulanti fràichi 'judicali: lu
castéddu di Balajana e lu
palazzu di Baldu.



Lu fiddólu di Elena e Lamberto, Ubaldo, si cujuési cun Adelàsia, ultima 'júdici di Torres: filmata battia, si cujuési illu 1238 cun Enzo di Hohenstaufen, fiddólu di lu 'mperadóri Federicu II di Svevia. A iddu désini lu títtulu falzu e mai cumpruatu avvéru di "Re di Saldigna". Ancóra in chistu casu, dapói di lu cóju, sighisi la scumínica di lu papa, chi éra Gjilgólu lu di nói (Gregorio IX).



Candu murisi Lamberto,
illu 1225, Ubaldo
divintési 'júdici di
Gaddura, finza a lu
1238, lassendi lu
'judicatu pa'
tistamentu a lu fratili
Giovanni, chi rignési
finza a lu 1275.



foto tratta da internet



L'últimu 'júdici di Gaddura, Nino Visconti, fiddólu di Giovanni e amicu di Dante Alighieri, rignési finza a la molti, arriata vel di la fini di lu sécculu di trédici; a chistu puntu, ancóra cu' li prói di la fiddóla Giovanna di fà valí li so' dritti innantu a la Gaddura, aggjutata in chista 'mpréa da la mamma Beatrice d'Este, lu regnu cumprisi suttu a lu cumandu di Pisa, paldendi cussí tutti li so' potéri di cumandassi a la sóla.



L'èppica 'judicali stési un
mumentu stóricu undi la
Saldigna, spaltuta in cattru
palti (Càlari, Torres, Arbarei e
Gaddura), riscisi a cumandassi a
la sóla, chena cumandu di lu
'mpéru bizzantinu chi n'éra
falendi, e chi facia palti pa'
pariccji sécculi dapói di lu
trettu di tempu sutta a lu
dumíniu di li Vándali.

Ancóra suttu a li prói
di lu papatu, a li folti
pressioni di Gjènuu e di
Pisa e a li fraccuenti
baldani di li saraghini, lu
cumandassi a la sóla di
li 'judicati andési a
innanzi pa' abbeddu
tempu.





REGIONE AUTÒNOMA DE SARDIGNA
REGIONE AUTONOMA DELLA SARDEGNA



Pruggjettu
“La Linghi di li manni nòstri
Sa Limba de sos mannos nostros”
Finanziatu da la legggi nr. 482/1999 e
legggi riggjunali nr. 22/20
Bandu TuLiS, annualitai 2024